

# San Judas

---

## Juda Jesu yaräre gojabeoñumi

<sup>1</sup> Yũhu Juda Santiago pagu magu Jesucristo pohro majagu mũare Jesu yaräre ipüre gojabeoa. Mũare mari Pagu Goãmũ igu beyenirã áhraa. Eropirã igu mahiri mera õaro áhraa mũa. Eropigu mũare Jesucristo ìhadibumi mũa ñerire iibiriborore. <sup>2</sup> Õadorea mũare. Goãmũ itamuro mera õaro áríque mũa. Eropigu Goãmũre mojomoro ìhadore, mũare mahidoregu serēbasaa yũhu Goãmũre. Mũa gajirã mera õaro áhri eräre mahiborore serēbasaa Goãmũre.

## Gũyarã erã buherire werenũgañumi Juda

<sup>3</sup> Goãmũ marire peamegue waboniräre igu itamuripũre turaro gojabeodiarabu mũare, yũ mahiräre. Eropa gojadiaqueregu ta dohpaguere gũyari buherire gamedorebigu mũare gojabeoa. Gajirã mũa pohro ejanirã erã gũyari buherire mũa peebiriboro dopa mũare gojabeoa dohpaguere. Eropirã Jesucristo ya buheripũre buhe tarinũgaque. I buheripũre peerã, mari Goãmũre õaro umupeoa. I buheripũ Jesu igu apinirã igu yaräre erã buhera eropa árĩniguicãro iiaa gohroto ro mariro. <sup>4</sup> Bajamerãgã masa ñerã ìha masiya marirã mũa pohro ejanirã árĩma. Mũa mera árĩrã erã buherire buhe gũyama gũare ìha masiri arĩrã. Õpa arĩ buhema: “Goãmũ yarã mũa árĩcũ, igu mahimi mũare. Eropigu nome mera mũa ñero iicũ igu mũare ne dipuwaja moasome,” arĩ buherima erã. Eropirã mari Opũre yujugu ta árĩgure Jesucristore “Goãmũ magu árĩbeami,” arĩ buherima erã. Eropa arĩ buheräre Goãmũ igu dipuwaja moaborore werenũmi iribojeguere igu yare erã gojarapũgue.

<sup>5</sup> Dohpaguere gajire guñacũ iidiaa mũare. Ire mũa masiquerecũ ta dipaturi mũare ire guñacũ iidiaa. Goãmũ igu yaräre Egipto árĩniräre igu wiura pũhru erã mera majarã igũre umupeobiriniräre Goãmũ wejẽñumi. <sup>6</sup> Eropirã mũa gajirã sãre guñaque. Gajirã anyuapũ Goãmũ doreri iinirã, pũhru iidiabiriñuma. Eropirã erã igu árĩdore apidiro sãre erã árĩdiabiriñuma. Eropirã erã árĩdirore cóacãñuma erã. Erã eropa cóacũ ìagũ Goãmũ erãre naitĩarogue erãre peresu iĩñumi. Eropirã erã pehrerinũ core comedare dirinirã iro dopa árĩniguicãrãcoma. Eropigu pehrerinũ árĩcũ dipuwaja moagũcumi Goãmũ erãre. <sup>7</sup> Eropa ta ñero iĩñuma gajirã sã. Erã sãre guñaque mũa. Erã Sodoma waicũri maca majarã, Gomorra waicũri maca majarã iri macari pohro árĩri macari majarã sã nome mera ñero iimũriñuma.

Eropirã gajiropa áriri sãre iĩnuma. Erã ɯmapu erã basi ta erã dɯpu mera ñero iĩnuma. Nome sã eropa ta iĩnuma erã seyaro. Erã eropa iira dipuwaja Goãmu erãre soepohocãñumi. Erãre soegu Goãmu árípehrerã ĩgure tarinũgarãre ĩgu dipuwaja moaburire ĩhmugũ iĩnumi. Erãre ĩgu dipuwaja moari peame ne yarisome.

<sup>8</sup>Erã Goãmure tarinũganirã iidiro dopa dohpague sã eropa ta iiniguicãma gɯyarire buherã. Erã pee masibirã iro dopa ta erã dɯpu mera ñero iima. Eropirã mari Opu dorerire gamebeama erã. Eropirã deyobirãre, ɯmaro oparãre, turarãre erãpu ñero werenigui corema. <sup>9</sup>Ōagu anyua opɯpu Migue waĩcɯgu ĩgu turagu árĩqueregu ta watĩpũre ñero werenigui corebiripũ. ĩgu Moise dɯpu mɯrarore gamegu, watĩ mera game dɯyasopũ. Turagu árĩqueregu ta ĩgu watĩ tauro “Yũ tamera turaa,” arĩ pepibiripũ. Eropigu ĩgu gamero watĩre “Peamegue waporu,” arĩ weresãbiripũ Goãmure. Eropigu ōpa arĩpu watĩre. “Goãmugue mure turiporo,” arĩpu Migue watĩre. <sup>10</sup>Oã gɯyarãpu erã masibirare ñero werenigui corema. Eropirã waimurã pee masibirã erã gamero ñero iiro dopa ta erã gɯyari wererãpu eropa iimaacãma. Eropa iirã árĩrã peamegue warãcoma.

<sup>11</sup>Erã ta ñero tarirãcoma. Cañ iribojegue majagu iidiro dopa ta ñero iima erã. Eropirã Balam sã ĩgu iidiro dopa ta erã niyerure mahi, aĩdiarã gɯyarire buhema. Eropirã niyeru aĩri dihtare pepima erã. Eropirã iribojegue majagu Coré waĩcɯgu ĩgu opũre Moisere ĩgu cóãdorediagũ ĩgu iidoreldiro dopa ta erã sã Jesure eropa ta cóãdoreldiama. Eropirã ĩgu iidiro dopa ta erã sã peamegue warãcoma. <sup>12</sup>Erã mũare gɯya wererãpu mũa game mahi ii ĩhmuburi bosenuire barã, umupeori mariro erã erã gamero bira, erã seyaro ta barire bapehocãma gajirãre oro mariro. Eropirã ñerire iirã erã mũa bosenuire ōarinũri waborañere goroweoma. Deco mariri imica cururi iri mari otera itamubiro dopa ta erã gɯyarire buherã ne mũare itamubeama. Eropiro iri imica cururi mirũne weãcũ eropa gohrotoniguiro dopa ta erã gɯyarã sã erã wereniguirire gohrotoniguicãma. Yucu ducacũbiriri yucu duhpiburi árĩbiro dopa erã duhpimorã árĩbeama. Erã buheri mera gajirãre Goãmure umupeocũ iibeama. Yucugu dũca maricũ ĩha mari duha peamegue soe cóãcãa irigure. Eropa ta Goãmũ erãre gɯyarãre peamegue cóãgucumi. <sup>13</sup>Pãguri pumarare pamujupira iro dopa erã ñerire gũhyasiurire wereniguima. Necãmu yuridija ĩgu pehrero dopa ta erã sã pehrea warãcoma. Erã eropa ñero iira dipuwaja dederea warãcoma. Goãmũ erãre dipuwaja moacũ naitĩarogue árĩniguicãrãcoma.

<sup>14-15</sup>Enoco iribojegue majagu Adán pũhrũ siete cururi pũhrũ majagu ōpa arĩmũriñumi. “Peeque yũre. Goãmũ bajarã ĩgu anyua ōarã mera árĩpehrerã ñerãre erã ñerire iira dipuwaja moagu arigucumi. Eropigu árĩpehrerã Goãmure ĩhaturirãre erã ñeri iira dipuwajare erãre masicũ iigu arigucumi Goãmũ. Eropigu Goãmure erã ñero wereniguira dipuwaja sãre erãre masicũ iigu arigucumi,” arĩmũriñumi Enoco mũrũ. <sup>16</sup>Erã gɯyarã gajirãre dɯyaso ñero werenigui corerã, erã ñero ɯaribejari dihtare iirã ãhrima erã. Eropirã “Gajirãre masitarinũgaa gũa,” arĩrima erã. Eropirã erã gamero dopa iidiarã gajinore emadiarã, peemaja ōaro wereniguima masare.

### Jesu yaräre werenemoñumi Juda

<sup>17</sup>Mari Opu Jesucristo buhedore ñgu apinirã erã buherare guñaque m̄ar̄u, yu mahirã. <sup>18</sup>Ōpa arĩma erã m̄are. “I yeba pehrebro coregã Goãm̄ure ñero arĩ wereyarã árĩrãcoma. Eropirã erã Goãm̄ure gamebirã, ñerire erã ñaribejarire iirãcoma erã,” arĩ werema Jesu ñgu apinirã m̄are. <sup>19</sup>Jesu yaräre erã basi erã game ñhaturicũ iima erã ḡuya wererãp̄u. Eropirã ñerã erã ñeri ñaribejarire iirã árĩrã, Espĩritu Santore ne opabeama erã.

<sup>20</sup>M̄ar̄u yu mahirã, Jesucristo ya buherire õaro peenemoque guñaturarã m̄a árĩboro dopa. Iri buherip̄u õataria. Espĩritu Santo itamuri mera Goãm̄u mera wereniguique m̄a. <sup>21</sup>Goãm̄u m̄are b̄urigã mahimi. Eropirã ñgu m̄are mahiniguiboro dopa ñeri mariro árĩniguiçaque Goãm̄u ñgu dorero dopa. Eropirã Jesucristo mera m̄a eropa árĩniguiburire coreque. Ñgu marire mojomoro ñagu ñmaroguere eropa árĩniguiçũ iiḡucumi.

<sup>22</sup>Cristo yare peediabirĩñarĩrãre mojomoro ñaque. Eropirã erãre Jesucristo ya diaye árĩrere wereque. <sup>23</sup>Erãre peamegue wabonirãre Goãm̄ure itamucũ iique m̄a. Gajirã ñerire iirã wahama. Erã ñerire dooque. Erãp̄ure mojomoro ñaque m̄a. Erãre itamurã m̄a sã õaro iique erã ñeri iirire ñhacũri arĩrã. Ḡuh̄raric̄uri suhrirore m̄a gamebiro dopa ta, gajirã erã ñeri iirire gamebircãque irire p̄hreri arĩrã.

### Juda Goãm̄ure ñgu umupeori ãhr̄u ñmaroguere eropa árĩniguiçaa

<sup>24-25</sup>Goãm̄u mari Opu marire ñhadibumasimi ñerire mari iibiriboro dopa. Eropiḡu ñgu marire ñeri dipuwaja marirãre ñmarogue ñgu pohroque apimasimi. Eropa marire ñgu erogue apicũ mari mucubirĩrãca. Ñgu Goãm̄u yujugu ta ãhr̄imi. Eropiḡu peamegue wabonirãre tauḡu ãhr̄imi ñgu. Ñḡup̄u iribojegue dohpague sãre õatariagu, mari tauro opu árĩgu, turatariagu, árĩpehrerãre doregu ãhr̄imi. Ñgu eropa árĩgu árĩcũ Jesucristo yarã árĩrã ñgure umupeorã. Eropa ta iirã. Irip̄eta ãhraa.